



सानसेयारि "बड'सा" खरीलाइयाव
समाजयारि जिउजो लोब्बा थानाय रायथाय, खन्थाय,
खल, खल'बाथा आबो दावबायारि थावनि, पार्क
बाइदिनि सायाव लिन्नाय लिन्बिदो दैथाय हर/
सानसेयारि "बड'सा" खरीलाइया सेबखानावै
फोसावगोन/
बड'सायाव लिन्हरनायनि हुडा खालाम,
"बड'सा" खरी नोथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 9 August, 2025 Kokrajhar, BTC, Assam ★ Vol.-35, Issue No.136 ★ R.N.I.Regd. No.40994/91, Assam Govt.Regd.No. IPRD. 40/2006/3, Rs.8/-

कक्राझारआव थुलुंगा खानायजो "हर घर तिरंगा 2025" आयदाफारिखौ फालिनो साखा-फारा

कक्राझार, 8 आगस्ट: 'आजादी का अमृत महत्सव' (उदास्तिन अमृत फोर्बो) सिडाव थांनाय 2 निफ्राय 15 आगस्ट, 2025 सिम हादतनाडै बयबो मोनफ्रोम नख 'रआव फिफिला (हर घर तिरंगा) 2025 हाबाफारियाव साफ्रोमबो राइजो-राजाफोरखौ बाहागो लानो गोसो-गोर्बोजो कक्राझार जिल्ला खुथाइआ खालायदो। लोगोसे जथुमनि समाव (□ 6 बिलाइआव)

गुरुदेब कालिचरण ब्रह्मनि उदास्ति सोमावसारनायाव बिहोमानि सोमोन्दै सावरायदों

पबर्तझारा, 8 आगस्ट: पबर्तझाराय ब्रह्म धोरोमनि फोसावगिरि गुरुदेब कालिचरण ब्रह्मनि उदास्ति सोमावसारनायाव बिहोमा होनायनि सोमोन्दै राइज्योयारि थाखोआव मोनसे सावराय मेल खु'फु'नाय जायो। बे सावराय मेलआव राइज्योयारि केबिनेट मन्थि उखाव गोरा ब्रह्मआ बाहागो लायो। मख 'नो गोनांदि, कक्राझार जिल्लानि पबर्तझारानि तिपकाइ फरायसालिमानि सावराय न'ब्लाडव गुरुदेब कालिचरण ब्रह्म ट्रास्टनि हेफाजाबआव बे (□ 6 बिलाइआव)

मियाफोरनि गाग्लोबनायाव सा 3 थागिबि लाइमोनफोरनि गोब्राव जखम

बासुगाव, 8 आगस्ट: खारबाय थानाय ट्रेक्टरनि साखाया अन्थाइआव नानानै अन्थाइआ लाखिनानै दोनाय मथर साइकेलआव नानायनि नंखाय जाहोन दिन्थिनानै ट्रेक्टर सालायगिरिजो लोगोसे सा 3 थागिबि लाइमोनफोरखौ हान्जासे मियानि दोलोआ (□ 6 बिलाइआव)

टिएआरएलनि 4 सानआरि कसुगाव सोलोंथाइ खोन्दोनि फोरोंगिरिफोरनि फोरोंथाइ बादाया थुंगेबाय

कसुगाव, 8 आगस्ट: राइज्यो सोलोंथाइ खोन्दोखौ दानि गोदान मुगानि सोलोंथाइ राहाजो खब जाहोनानै मोनसे गोदान सोलोंथाइयारि आबहावा सोर्जिनायनि गोखों नोजोरजो गुदि फरायसालिनि सोलोंथाइ होनाय राहाखौ साबसिन हामसिन खालामनायनि थांखिजो समग्र शिक्षा कसुगाव ब्लक मिचन क'अरडिनेसननि (□ 6 बिलाइआव)



कसुगावनि माखासे हौवा-आइजोफोरा बिपिएफ दोलोआव हाबफैदों

सोलायथाइनि स्लगान होनानै बिटिसि सरकार दानाय इउपिपिएल दोलोआ आबुं फेलें जागोन: रबिराम नार्जारि



गसाइगाव, 8 आगस्ट: फैगो बिटिसि बिसायख 'थियाव 6 नं कसुगाव गौथुमारि बियाबखो गावसोरनि दख 'लआव लाबोनो थाखाय बिपिएफ दोलोआ गोखोडै बिसायख 'थि फोसावदिनाय मेल खु'दों। जायखौ लानानै दिने कसुगाव (□ 6 बिलाइआव)

उदालगुरिनि वार्ड कामिचनारआ बिपिएफ दोलोआव हाबदों



उदालगुरि, 8 आगस्ट: उदालगुरियाव बिटिसि बिसायख 'थिनि पेम्फा सुनो गासैबो दोलोआनो साखा फारा जानाय समावनो बिपिएफनि फारसे सानफा एफा राइजो-राजाफोरनि हेफाजाब होनाया बालांगसिनो थानायजो लोगोसेनो बिपिएफआव हाबनायनि दोहोआ सानफा एफा बालांगसिनो दडा दिने शकुबार खालि 38 नं भैरखुन्ड बियाबनि बिपिएफनि ब्लक (□ 6 बिलाइआव)

भैरखुन्ड बियाबनि खावरां प्राइमारियाव बिपिएफ बुट समितिनि मावबादा खुंफुंदों

उदालगुरि, 8 आगस्ट: बिटिसि बिसायख 'थिया फैगो सेप्टेम्बर दाननि 2थि सप्ताहयाव खुंफुंजागोन होना बिसायख 'थि आयगआव सावरायनायखौ खोनानो मोन्दोंब्लाबो रोखा अक्ट'खौ दिनेसिमबो मोननो हायाब्लाबो बिटिसिनि गुबुन-



उदालगुरिनि दरथाम गौथुमारि बियाबआव गिबि मन्थि ड० हिमन्त बिश्व शर्माआ बिटिसि बिसायख 'थिनि गोखों फोसावदिंदों

खैराबारि, भेरागाव आरो ननै सेरफां गौथुमारि बियाबआव देरहासाद थांखि मेल खुंदों

उदालगुरि जिल्लाआव थाबैनो भुटान सिमना ओन्सोलआव मैदेर- सुबुंफोरनि दावराव-दावसिखौ होबथानाय जागोन: गिबि मन्थि

उदालगुरि, 8 आगस्ट: सानसेआवनो बिटिआरनि 31 नं खैराबारि, 32 नं भेरागाव आरो 33 नं ननै सेरफां गौथुमारि बियाबआव मोनथाम बिजेपिनि देरहासाद थांखि खु'नानै बिसायख 'थियाखिखौ नोजोर होनानै आसामनि गिबि मन्थि ड० हिमन्त बिश्व शर्माआ फोसावदिंदों। बे खेबआव बिटिसिआव बिजेपिआ दावहा (□ 6 बिलाइआव)



चिरांनि बिजनीआव गुबुन गुबुन जौगालु हाबानि अन्थाइ खाम्फा बेखेवदों बिटिआरनि गाहाइ प्रमद बर'आ

बिजनी, 8 आगस्ट: चिरां जिल्लानि बिजनीआव गुबुन गुबुन जौगालु बिथांखिनि अन्थाइ खाम्फा बेखेवदों बिटिआरनि गाहाइ प्रमद बर'आ। बिजनीनि मोनथाम बिटिसि बियाबनि गुबुन गुबुन थावनिफोराव जौगालु हाबानि अन्थाइ खाम्फा बेखेवदों बिटिआरनि गाहाइ खुंगिरि प्रमद बर'आ। गिबियाव 19नं थुरिबारि बिटिसि बियाबनि पाले'बारि मनाक 'साआव



2025-26 रा'खान्थियारि डेभेलपमेन्टनि सिडव 50 लाख बोसोरनि इनफ्रास्ट्रक्चर (□ 6 बिलाइआव)

युब सात्र परिषदनि हान्जा सुरनाय सोमावसारनायाव पुलिसआ हेंथा खालामदों

गुवाहाटी, 8 आगस्ट: 'का' आइननि सिडव आसाम सरकारआ 2014 माइथायनि 31 डिसेम्बरनि सिगां फैनाय मुसलमान नडै (हिन्दु, ख्रिष्टियान, जैइन, शिव, फार्सी, बौध्) धोरोमनि सुबुंफोरनि हेंथायै थानाय गुबुन हादशरि गसर बोखारनो जिल्ला बेंगिरि आरो गागि पुलिस बिबानगिरिफोरखौ बिथोन होनाय जाथाइनि हेंथा फोरसायदों आसाम जातियताबादि युब सात्र परिषदआ। आफादआ बेनि सोमोन्दै हेंथा सोमावसारनानै (□ 6 बिलाइआव)

बिजेपिनि सा 416, कांग्रेसनि सा 102 हेफाजाबगिरिफोरा इउपिपिएलआव हाबदों



बाक्सा, 8 आगस्ट: बाक्सा मथनगुरि बियाबनि बंसिबारि, मैराझार आरो घरामारायाव आलादा आलादायै खु'फु'नाय इउपिपिएलनि मोन्थाम बिसायख 'थियाय फोसावदिं मेलआव गासै सा 416 बिजेपिनि आरो सा 102 कांग्रेसनि दैदेनगिरि मावसुमाफोरा इउपिपिएल दोलोआव हाबो। मख 'नो गोनांदि, बिजेपिनि दखलआव थानाय मथनगुरि (□ 6 बिलाइआव)

मिसन बसुन्दरा 3.0 नि गेजेरजों गासै गं 34 रोजा फरायसालि, फरायसालिमा, नामघर सरकारि फसंथानफोरा हा मोनगोन: केबिनेट

केबिनेट जथुमआव बिटिआर ओन्सोलआ मोन 22 निफ्राय मोन 23 जौगाखां खोन्दो मोनबाय

दिसपुर, 8 आगस्ट: गिबि मन्थि ड० हिमन्त बिश्व शर्मानि मासि सामलायनायाव 7 आगष्टआव खु'फु'नाय राइज्योयारि केबिनेटनि थांखिफोरा जाबाय अगनबादि हेफाजाबगिरिफोरखौ अंगनबादि मावफारियासिम बिबान सामलायनायनि जोबथा बैसोखौ 45 बोसोरनिफ्राय 50 (□ 6 बिलाइआव)



बोसोरसिम बांहोनयनि थांखि खारकाना सोरजिनायनि आजावनाय जायो। केबिनेटआ (□ 4 बिलाइआव)

गुबुन राजखान्थियारि दोलोफोरा गाव-गावनि दोलोनि फोसावदिनाय हाबाफारिखौ सामलायगासिनो दडा। बेबायदिनो बिटिसियाव आथिखालआव गोहो गोर महैर गसंथानाय हाग्रामा महिलारि दैदेन्याय बिपिएफ दोलोआव आथिखालआव बिटिसिनि थागिबि राइजो-राजाफोरा गोबां हेफाजाब होनायखौ नुनो मोन्दों। बेबायदिनो 38 नं भैरखुन्ड बियाबनि बिपिएफ दोलोनि बिजाथि महैर फोसावजानाय रिह नैमारिजों (□ 4 बिलाइआव)

NERIM GROUP OF INSTITUTIONS
Affiliated to Dibrugarh University, Gauhati University & ASTU
Approved by BCI, NCTE, AICTE, MoE, Govt. of India

NERIM
Your Academic Home
Estd. 1992

BONGAIGAON & KOKRAJHAR

Career Counseling & Spot Admission

An Initiative by NERIM Group of Institutions

Courses Offered

BBA (3-yr)
BCA (3-yr) (CBCS)
BA LLB (H) (5-yr integrated)
BSW (4-yr) (FYUGP)
B.Com (H) (4-yr) (FYUGP)
BA (Psychology) (4-yr) (FYUGP)
MBA (2-yr Full Time)
MCA (2-yr Full Time)
MA (Applied Psychology) (2-yr Full Time)
PGDM (2-yr Under AIMA)
M.Sc (Computer Science) (2-yr Full Time)
MSW (2-yr Full Time)
MBA (3-yr Part Time)
M.Com (2-yr Full Time)
LLB(H) (3-yr Full Time)
M.Com (Distance Learning Program)

Venue

Hotel Jahnabi Regency,
Chapaguri Road,
Bongaigaon

Date | Timing

9th Aug | 10AM - 4PM

Contact Details

7002032081
9706904696

KOKRAJHAR

Venue

Hotel Gaurang Valley,
J.D. Road, Kokrajhar

Date | Timing

9th Aug | 10AM - 5PM

Contact Details

8638314165
9706257505

Prof. (Dr) Sangeeta Tripathi, Director, NERIM Group of Institutions
Padma Nath Sarmah Bhawan, Jayanagar, Khanapara, Guwahati - 781022
Call : 9954190758 / 9954051419 | www.nerimindia.in | nerimindia@gmail.com

सुजुगिरिनि खोलोम

ख 'हानि लामा

आथिखालनि समआव सोलिफु थासारिजोँ गोरोबनानै सोलिनो सुबुंफोर मोजां मोनो। बेनि थाखायनो जानो हागौ गोनोखोगिरिफोर बाइदि रोखोमनि गोदान गोदान जोन्थोरगिरि मुवा-बेसादफोर दिहुन्नानै सुबुं माहारिखौ आरोबाव गोजौ फासैं लानानै थानो नाजबोदों आरो बे दाहारआ सोलिगासिनोबो दड़। गोनोखोयारि दिहुन्थायारि मान थाखोया जेरै जौगाबोदों बेबादिनो सुबुंफोरनि जिउ खुनाय रहाफारिफोरबो सानफा-एफायैनो सोलायबोनो हमदों। थानाय माखासे जौथायनिफ्राय मुलुगनाडैनो टेकन 'लजिनि गोदान गोदान दिहुन्थाय मुवाफोर जेरै बांबोनो हमदों बेबादिनो बेनि बाहायनाय, अन्साय जानायाबो सानफा-एफायैनो बांलांबाय। टेकन 'लजिनि दिहुन्थाय मुवाफोर-लेपटप, स्मार्टफननि अनगयैबो बाइदिसिना मुवाफोरा आथिखाल सुबुंफोरनो आसिजों खेबसे थुगासेयावनो दुलराय बहुमनाडैनि इन्फर्मैसनफोरखौ मोनफुनो हानाय खालामदों आरो डिजिटेल गियानखौ अखा मोफ्लामनाय बादि गोछैथियाव लानानै होफेदों। बेनि हेफाजाबै सुबुंफोर गोबांथार मुलाम्फा मोनो हादों। बेराफासैं सानथ्र'नो हायै खहाबो सुबुं हारिनि थाखाय लानानै फेदों। सोलिफु मुगायाव गुबैयै लाइमोन समाजखौ जेरैबादियै टेकन 'लजिनि सायाव सोनारनो गोनां खालामदों, बेबादिनो देहायारि आरो मेलेमारि बिथिडावबो खहा फैनायनि एलार्मि होदों। मोनसे संदान्नायनि बादियै बानिफ्राय फ़ि बोसोर बैसोनि 23 जौखोन्दो गथ 'साफोरा ससेल मिडिया बाहायनानै मबाइल नायो होन्नानै बुंनाय जादों। बेराफासैं 50 जौखोन्दोसिम 11 बोसोरनि देरसिन गथ 'फोरनि आखाइयाव स्मार्टफन थायो। डाइन बोसोरनिफ्राय जिस्त्रि बोसोर बैसोनि गथ 'फोरा 4 निफ्राय 6 घन्टासिम ससेल मिडियानि सायाव एक्टिभ थायो। बेनि गेजेराव 50 जौखोन्दो गथ 'फोरा हरनि 12 बाजिनिफ्राय फुबिलि 5 बाजिसिमनि गेजेराव मबाइल फन बाहायो होन्नानै संदान्नायाव बुंनाय जादों। बेनि गेजेरजोंनो हमदोनो हायोदि-टेकन 'लजिया मोजांबो लाबोदों, फासैथिं बाहायनो रोडैआव गात्रिनिबो मुं लानो गोनां जादों।

संदान्नायाव रोखा खालामदों-गुबुनफोरनि रुजुनायाव लाइमोन हान्जानि मबाइल फन बाहायनाया गोबांसिन जानायनि जाहोनफोर दड़। सोलिफु समआव ससेल मिडियाजों रील्स बानायनाय, पस्ट खालामनाय, अनलाइन फरायनायाव आरो गुबुन गुबुन गोनां हाबायाव बाहायनार्यनि थाखायबो लाइमोनफोरा गोलाव समनाडै मबाइलआव नांथाबनानै थानो गोनां जायो। मबाइल फननि हेफाजाबौनो हादतनि, मुलुगनि बाइदिसिना जाथाय-बिजाथायनि खौरां, दावहा-बिग्रायनाय, मिथिंगायारि जाथायनि खौरां मोनो हानायजों लोगोसे नख 'रनि आंगो सुबुंफोर आरो आंगो लोगोफोरखौ मोजां-गात्रिनि खौरां लाहस्याय आरो अनलाइन सोलोंथायाव एंगारनो हायै बाहागो जाबाय। गोनांथियाव बाहायनाय जायोब्ल्लाबो बांद्राय बाहायोब्ल्ला बेनि साइड इफेक्ट नुजानायखौबो मिबथि हायो। माबाइल, टिभि आरो लेपटप बाहायनाया बांद्राय जायोब्ल्ला गोदोनो रुबायनाय, खर' गिदिनाय, मेगन सानाय, बिबुं रुबायनाय बाइदिसिना खहा देहायाव साग्लोबनार्यनि लामा थायो। बेयो देहा रंग 'सादफोरनि बुंनाय। बावैसो सिगां खालामनाय मोनसे गोदान स्टडीनि बादियै गोलाव सम स्मार्टफन बाहायोब्ल्ला मेन्टेल हेल्थजों सोमोन्दो थानाय जेनाया बांसिन्नायनि लामा थायो। सेम्पियन लेब्सनि गोनोखोगिरि तार त्यागराजननि होनाय '' डेटानिफ्राय मिबथिनो मोन्याय बादियै- सुबुंफोरा सोलिफु समआव सानफ्रोमबो 7-10 घन्टासिम अनलाइनयाव सम बारहो हरो। बेनि गेजेरजों सासे सुबुड गार्वनि थाखायल 'बांसिन सम बाहायनानै समाजनि थाखाय दसेल' सम बाहायनायखौ मिबथिनो हानाय जायो। बेराफासैं बेखौबो बुंनाय जादोंदि- इन्टरनेट सौफैनाया दासिम गोलाव बोसोर बारलांबाय। बेनि सिगां समआव नख 'रनि सुबुंफोरजों आरो लोगोफोरजों रायज्जालायाव सासे सुबुड 15,000 निफ्राय 25,000 घन्टासिम रायज्जालायोमोन बेखौबो हमदोनाय जादों। गोनोखोगिरि त्यागराजननि संदान्नायाव मोन्दीदि- इन्टरनेट मुगायाव सुबुंफोरनि सोंहल्लायनाय-रायज्जालायाया बाडाय जानानै 1,500 निफ्राय 5,000 सिम दावख्लायफेदों। संदान्नायाव बेखौबो बुंदों-'' लाश्त्रियैनो गोलाव सम मबाइलफन नायबाय थायोब्ल्ला लाइमोनफोरनि गेजेराव डिप्रेसन आरो इरिटेसन बादि जेनाफोय बांनार्यनि लामा फैनो हागौ। बेखायनो मबाइल एडिक्टनिफ्राय बारग 'नायनि राहा हिसाबै न'नि लागोनायाव ओखारनानै बाइदिसिना खारनाय-बारनाय गेलेनायाव नांथाबनाय, बाइजोनि आबहावाजों गोरोबनानै लोगोफोरजों मोजां आयदाफारि लानानै सावरयनाय, न'आव थायोब्ल्ला बोसोन गोनां बिजाबफोर फरायनार्यनि हुदा खालामनायजोंबो लासै लासै मबाइल एबा टेकन 'लजि एडिक्टनिफ्राय जानागारव थानो हागौ आरो खहानिफ्राय बारग 'नायनि लामा मोनो हागौ।

दिनैनि फान्जामुधि

राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेघ: मानिबा थाखाय दुखु-दाहा सैनांनो हागौ। गोसो हमथानानै सोलिनांगोन।

वृष: दिनैनि दिनाव गोबां रंखावरि खहा जानो हागौ। गोसोखौ शान्ति मोन्नाय नडा।

मिथुन: जेना थानायफोरखौ लानानै गिखांनाय मोनो हागौ। गोसोखौ लोरबां लानो नाड।

कर्कट: बेफार फालांगि मावनायाव मुलाम्फा खालामोन हागोन। फालांगिरि मावग्राणि थाखाय गाहाम सान।

सिंह: माबाफोर मुवा-बेसाद खहा जानो हागौ। गोसोखौ गोजोन मोनगोन।

कन्या: गासैनिबो गोहो-बोलोखौ मोनो हागोन। गोजोनै सम बारहोनो हागोन। मोजां सान।

तुला: सोरजोंबा दावराव-दावसि जाबाय बायनो हागौ। गोसो हमथानानै सोलिनांगोन।

वृश्चिक: मानिबा जाहोनाव गोसोखौ शान्ति गैयै मोनगोन। गोसो हमथानानै सोलिनांगोन।

धनु: देहायाव जालुनाया जौबनाय नडा। महर-मुखिआ गोमालांनो हागौ।

मकर: मावबाय थानाय खामानियाव मुलाम्फा मोनो हागोन। गोजोन्नाय मोनगोन। मोजां सान।

कुम्भ: सुथुर जानानै थानाया जौबस्त्रांलांगोन। जेरैबो गोजोन्नायखौ मोनगोन।

मीन: माबाफोर जेना-जेंसियाव गोग्लैबायनो हागौ। जेरैबो सांग्रां जानानै थानांगोन।

बेरेखा दोलोनि दावराव-दावसिनि गेजेरजोंब्ल्लाबो मणिपुरनि थाखाय एप्रप्रिएशन बिल पास खालामदों

गोदान दिल्ली, 8 आगस्ट: लकसभायाव बिहार भटार फारिलाइ नायबिजिरनाय आयदानि सायाव जेनानि गेजेरजों थांनाय बृहस्पतिबारखालि मोनै बिल थिसन्दोंमोन। रंखान्थि मन्थि निर्मला सितारमणआ दावराव-दावसिनि गेजेरजोंब्ल्लाबो मणिपुर सोदांनय बिल 2025 आरं गो रंखान्थि बोसोर 2025-26 नि थाखाय एप्रप्रिएशन बिल दिन्थियो। दावराव-दावसिनि गेजेरजोंनो मोनै बिलआ पास जायो। बे समाव रंखान्थि मन्थि

बे बोसोराव उरां जाहाज बिरनायाव टेकनिकेल जेनानि मोन 190 जाताय सोमजिदों

गोदान दिल्ली, 8 आगस्ट: सरकारआ थांनाय लकसभानो फोरमायोदि, एयारलाइन कम्पानीफोरा बे बोसोरनि 21 जुलाइसिमाव उरां जाहाज बिरनायाव टेकनिकेल जेनानि मोन 190 जाथाय सोमजिनार्यनि खौरां होदों। सिभिल एभिएसन राइज्यो मन्थि मुरलीधर महलआ लकसभायाव लिस्नानै होनाय फिन्नायाव बुडोदि, उरां जाहाज बिरनायाव टेकनिकेल जेनाफोरा उरां जाहाजनि सिस्टेम, हेफाजाबगिरि जोन्थोरफोरनि गहामै खामानियाव होयै एबा गात्रि जानायनि जाहोनाव जानो हागौ। उरां जाहाज बिरनायनि सिगां गासै जेनाफोरखौ गहामै

नायफामनार्यनि बिबानआ एयारलाइनफोरनि जायो। मन्थिनि गेजेरजों शेयार खालामनार्य डाटानि बायदिब्ल्ला, बे बोसोरनि 21 जुलाइसिमाव एयारलाइन कम्पानीफोरा खेब 190 टेकनिकेल जेनाफोरनि खौरां होदों आरो 2024 आव बे अन्जिमाया खेब 421 मोन।

मोनसे गुबुन सोंनार्यनि फिन्नायाव मन्थिया बुडोदि, 2019-20 निफ्राय रंखान्थि बोसोर 2024-25 नि समाव हादतनि गुबुन गुबुन उरां जाहाज गाथोनफोरखौ जौगाखां होनाय बायदिफोरनि सायाव 96,000 कौटि रॉनिखुइ बांसिन खरसा खालामनार्य जादों।

सुप्रिम कर्टआ नख 'रारि पेन्शन आयदाखौ लानानै मख 'जाथाव बिबुंथि होदों

गोदान दिल्ली, 8 आगस्ट: सुप्रिम कर्टआ थांनाय बृहस्पतिबारखालि नख 'रारि पेन्शनजों लोगोसे समाजआरि जौगाखां बिथांखिफोरनि गेजेरजों मुलाम्फा होनायाव बिमा गदायफोरखौबो सोसनफानो थाखाय बिमा सोदोबनि दिन्थिखौ नायबिजिरदों। जास्टिस सुर्यकान्त, जास्टिस उज्जल भुजा आरो जास्टिस एन. कटिश्वर सिंहनि पीठआ मिरु आरो भारतआरि उरां सान्थ्रिखौ बुडोदि, नेम-खान्थिफोराव

बिमानि सोदोबखौ बिदिन्थि होनार्यनि गोनांथि दड़, जाहाथे बिमा गदायखौबो बेयाव सोसनफानो हायो। मानोना बिमा गदायाबो मोखथाडाव बिमायानो जायो। सुप्रिम कर्टआ सासे आइजोनि आर'जलाइन सायाव हियारि होगासिनो दड़मोन। बै आइजोआ गावनि बाथुल फिसाज्जलानि जौनोमगिरि बिमा थैनायनि उनाव बिखौ खादों-बादों। बे आइजोआ नख 'रारि पेन्शननि दाबि

दैखांगासिनो दड़मोन। जास्टिस सर्यकान्तआ मिरुनि उकिलनाव सोंथि दिखाडोदि, जुदि 1 दाननि गथ'नि बिमाया थैयो आरो बिफाया नैथि जुलि लायोब्ल्ला मा बिमा गदायखौ नंगुबै बिमा महरै गनायना लानाय नडा नामा? बेनि सायाव जास्टिस कान्तआ बुडोदि, आइनआव बिखौ बिमा गदाय बुंनो हागौ। नाथाय मोखथाडाव बियो बिमायानो। मानोना बियो गावनि गिबि साननिफ्रायनो गावनि जिउखौ गथ'नि थाखाय बाउदोंमोन। आथिखालाव उकिल्लआ भारतआरि उरां सान्थ्रिनि नेमखौ फोरमायनानै बुडोदि, बिमानि रावआव बिमा गदायनि मुड गैया। बेनि सायाव कर्टआ बुडोदि, बे थांखिनि थाखाय बे रावखौ बिदिन्थि बानायनांगोन।

एनएमसिआ फैगौ 12 आगस्टआव एन्टी-रेगिं डे फालिनो थाखाय गासै फाहामथाय फसंथानफोरनो बोसोन होदों

गोदान दिल्ली, 8 आगस्ट: माहारियारि फाहामथाय आयग (एनएमसि) आ थांनाय बृहस्पतिबारखालि नटिस फोसावनानै गासै सोलोंथाय फसंथानफोरखौ 12 आगस्टखौ एन्टी-रेगिं सान महरै फालिनो आरज गाबो। इजिसिआ थांनाय 2023 आव थांखि लादोंमोनदि, एन्टी-रेगिंखौ सप्ताहयाव 12-18 आगस्टसिमाव खुंनार्य जागोन, जाहाथे रेगिनि हेंथायै सांग्रांथिखौ बांहोनो हायो। एनएमसिआ नटिसआव बुडोदि, इजिसिआ गोजौ थाखोनि

सोलोंथाय फसंथानफोराव रेगिंनि जेनाखौ कन्ट्रल खालामनो थाखाय नेम बानायदों आरो बे नेमआ गोनांथार। बे नेमफोरखौ गोखौडै फालिनांगौ होन्ना

रोखा खालामना होनाय जादों। इजिसिआ रेगिंखौ होबथानो थाखाय सांग्रांथि गोनां हाबाफारिफोरजों लोगोसे माखासे एक्टिभ थांखि लादों। बेजों लोगोसे इजिसिआ इन्टरनेट

मिडिया हाबाफारि सालार्यनो फसंथाननि वेबसाइट आरो इन्टरनेट मिडिया प्लेटफर्मआव आफादिनि गाहायफोरनो भिडिअ खौरां दिन्थिनोबो बोसोन होदों।

निर्मला सितारमणआ मणिपुरनि थाखाय रैखाथिनिफ्राय लानानै न'आव दोनहैफिनजासिमाव जगायना होबाय थानाय रंखान्थिनि सोमोन्दै खौरां होदों आरो बेरैका दोलोफोरनि सायाव नोजोरबो खौख्लैयो। रंखान्थि मन्थि निर्मला सितारमणआ बुडोदि, मणिपुराव न'आव दोनहैफिन्तो थाखाय 543 कौटि रं जगायना होनाय जादों। बिथाइ रैखाथिनि थाखाय 542 कौटि रं जगायना होनायखौ मख 'नानै बुडोदि, राइज्योआव रंखान्थिनि थाखायबो 643

कौटि रं होनाय जादों। रंखान्थि मन्थिआ बुडोदि, बे रंखान्थिजों मणिपुरनि गोबां टेक्सनि बिलखौ होनाय जागोन। जर'खा हेफाजाब महरैबो मणिपुरनो 700 कौटि रं होनाय जादों, जाय टेक्स फ्रि जागोन। लकसभाया दावराव-दावसिनि गेजेरजोंबो बे एप्रप्रिएशन बिलखौ फास खालामो। बे बिलआ पास जानार्यनि उनावनो अगदंबिका पालआ सदरनि हाबाफारिखौ शुक्रबारखालि साननि 11:00 रिंगासिमनि थाखाय दोन्थ'नो फोसावो।

रासियानिफ्राय थाव लाबोनायखौ होबथायोब्ल्ला भारतनि खरसाया थोंजोडै 9 बिलियन डलार बांगोन: एसबिआइ

जुदि गुबुन हादरआ बेनि दिहुन्थाइखौ बांहोआब्ल्ला गासैबो हादरफोरा रासियानिफ्राय गोथां थाव बायनायखौ बन्द' खालामोब्ल्ला थावनि बेसेना 10 जौखोन्दोसो बांनो हागौ। भारतआ 2022 माइथायनिफ्राय रासियानि थाव बायनायखौ मख 'जाथाव महरै बांहोदों, जायखौ इउक्रे नखौ गाग्लोबनार्यनि उनाव सोनाबारि हादरफोरा रासियानि सायाव होबथानार्यनि उनाव गोहो रैखाथिखौ रोखा खालामनो थाखाय मोनफ्रोमबो बरेलआव 60 डलार रेहाय होनानै फान्नाय जादों। बेनि फिथाइ महरै भारतनि गासै थाव लाबोनायाव

रासियानि बाहागोआ राडारि बोसोर 2020 आव 1.7 जौखोन्दोल' बानानै राडारि बोसोर 2025 आव 35.1 जौखोन्दोसिम बांदों, जाय रासियाखौ भारतनि बयनिखुइबो देरसिन थाव जगायग्रा बानायदों। बिबांनि बिथिडाव भारतआ राडारि बोसोर 2025 आव रासियानिफ्राय 88 मिलियन मेट्रिक टन (एमएमटी) गोथां थाव लाबोदों जाय बेनि गासै 245 एमएमटिनि थाव लाबोनायनि बाहागोमोन। इउक्रेन दावहानि सिगां इराकआ भारतनि बयनिखुइबो देरसिन गोथां थाव जगायग्रामोन, बेंनि उनाव साउदी आरब आरो इउएआ फैयो।

मुलुगनाडै: बोहैथि बोसोरनि जुलाइ दानआ थामथि बयनिखुइ गरमसिन दान जादों

सायाव नोजोर लाखिग्रा इउरपियान इउनियननि एजेन्सिआ थांनाय बृहस्पतिबार 7 आगस्टखालि फोरमायदोंदि, बे बोसोरनि जुलाइआ थामथि बयनिखुइ गरमसिन दान। आथिखालाव 2 बोसोर सिगां रेकर्ड टेम्परेसरनि रुजुनायाव बे दाननि बिदुडाव एसे दावख्लायनाय फैयो। मुलुगयारि बारेस्ट बिदुडाव एसे दाव खलायसे यावबो बिगियानगिरिफोरा गनायदोंदि,

जुलाइ दानआव गिखंथाव गरम आरो दै बाना जादों। कपारनिकास क्लाइमेट सेन्ज साभिंसनि बिथोनगिरि कार्ल बुअंटेम्पेआ बुंदोंदि, रेकर्ड सिफायनाय जुलाइ दाननि उनाव मिरुयारि बिदुडा सिगांनि रेकर्डखौ सिफायबाय। बेनि गेजेरजों लाश्त्रियै गरम जानाय मुलुगयारि गोहोमफोरखौ नोजोर लाखिगासिनो दड़होन्ना बिथाड बुडो। इउरपिय इउनियननि नोजोर होग्रा एजेन्सिआ बुंदोंदि, जुदि, बारमन्डलआव ग्रीनहाउस गेसफोरनि बिबांखौ सिमना गोनां खालामाब्ल्ला बिदुडा गोदान रेकर्डआव सौहैनो हागौ। सुलुंनि बादिब्ल्ला, थांनाय 25 जुलाइ दानआव तुकीआ हाग्रांनि अरजों खामजानानै गावसोरनि दासिमनि बयनिखुइ बांसिन बिदुं 50.5 डिग्री सेल्सियसखौ देखांदोंमोन।

Lost

I have lost my Original Mark-Sheet of First Semester bearing Roll No. UG123S210085.

If anybody have found please inform to the following address.

Name- Geremsa Narzary

Father Name- Janak Raj Narzary

Mother Name- Kirani Narzary

Vill- Boro Bhatarmari

P.O., P.S., & Dist- Kokrajhar, Pin- 783370

Mobile No- 7638024381

मिथिंगानि भावगारी

मिथिंगानि भावगारी

सोमखोर लाइमोन देलायझिनि रुम्बां, हाया-जौवा सोमखोर हाजो, बेन्दों-बेंला, बिफां-लाइफां दावमा-दावसानि मेथाय रोजाबनाय, सान-हर, मोसा-लख्रानि सोगोमनाय, बेसेदि रंगिना-संगिना- नोंनि रैरुब मुझिया मिथिंगा । सुबुंआ थांना थानो हाया नों अनसुलि मिथिंगानि अनगा । मोजां मोनो सुबुंआ गावनि जिउनिखुइ साबसिन, खायफाया रोजाबो नोंनि हायनानि महराव रैसुमै मेथाय माब्लाबा सोरबा सुजुयो बेखौ लाना खन्थाय । दिनै नों नाथाय लाथया..... । बिदिन्थिनि गुथाल इनाय खान्थियाव नोंदि नोंनि लाइमोन महराव जानांबाय जिनाहारि सोमखोर रुम्बां हायनारि महरा लरहाय लांबाय । जिबिनि देरसिन जिबिनि जानानै गावखाल नायग्रा सुबुंआ नोंनि सोलेरखौ खालामो फालांगि । आय नोंनि लाइमोन मिथिंगा सिख्ला खालाम थानानैल’ थानांबाय बै अना गारि सुबुंनि आखायाव ।

नारायण बसुमतारि जायनारी

हांमा दाहो

आन्दायनांदोंमोन सानसे समाव जानांदोंमोन जिउ खहा सुबुंनि लेंग्रा आरो खाना खुजा राव थुनलायनि हांखो नागिरना मुगानि थिननायाव- नाथाय सौफैफिनबाय दिनै थि थुनलाइनि सोरां लामाजों सोरजिबाय जखायसे बिथानि खुंबाय राव हारिमु आरो सोदोमझिखौ जोंखांहोनो रावखौ आरो हारिखौ बेखेवसार होनो बे मुलुग दरखइव । देरखोना देरै सिख्ला देरबाय सनाथि बैसोआव बाबेनलांबाय गोरार्थि बैसोआव आगान सुरबाय लाजिनो रोंबाय, मान इसोरखौ सिनायबाय हांमा दाहो बिखौ दुखु दाहो मेंनाय मोनोब्ला-लाजिफोर्नाब्ला थुनलाइ गोदो लांगोन । जुग-जुग जुगानि जुगि-जुगि थांना थानांगोन जोलै आरो जोलैनि उनाव फोलेर आरो फोलेरनि उनाव मुगाया थ्रांगोन मुगाया फैफिनगोन जेरावबो जैरैबो देरहाथारगोन आबुं उदांश्रि मोनगोन सुबुंनि जावरिखांनायजों समाव जों रंजानांगोन ।

मिथिसार नाजरी उमानन्द

नों सोलोंथाय

फैदो फै बयबो खौसेयै एना एनि गैथारा रावबो राव जोंहा खौसेथिनि लामाजों आगान सुरनो जेंना-जेंसि सुफोरखौ बोझांनो, दावगादिनि फैदों बयबो सोलोंथायाव । गोजामखौ गारनानै गोदानखौ लागोन रोंगथिनि गियानजों आवगायलांनो सुथुरनि आखायनिफ्राय बारग’नो दैमुनि दैआव गोजोमनो । हागोनदा जों बयबो खौसेयै खोमसिनिक्राय सोराइव थानो गोदोसोनाय नेरसोनखौ बोखांफिननो, फैदो जों बयबो खौसेयै सोलोंथायनि गोदै फिथायखौ जोंबो मोनजानि । मेगनाव मोदै गनायखौ गोसोनि दुखुखौ दोनथ’ना गावनि उदैखौ सुफुंना लान्ते अरायनि थाखाय गोजोननाय लाबोनो । दावगादिनि फै सोलोंथायनि गोजोन सुबिदा थासारि नागिरना- सोलोंथायाव दावगाथिनि लामा लानो जों खौसेयै । सरस्वति बिमाखौ अरायनि थाखाय फुजिनो मोनथों बयबो बिमा सरस्वतिखौ आंगेनि बिमा देरहासाद् जाथों बिमानि अननाय दावगानाय लाबोनो हाथों आय ! नों सोलोंथाय ।

दानसोरां बसुमतारि कक्राझार

माब्ला

जारिमिन मोनहासवै समनिफ्राय बबे हन्थायाव बेरखांनानै सोरनि गारांनि जन्त्रआव सोरजि जानानै नोंनि जोनोम जादोंमोन ? सिमा गैयै सानबोलावरी लानानै दिनै बे समाव गोसोखांदों; रामायण मुगानिक्राय नैबे गोदान- निउक्लियार मुगासिम, सानस’ हाया नोंनि बैसोखौ । हाजो सेर सेर, दैमा-दैसानि हायेन-जौयेन नोंनि अरदाबनि हांगारखौ नुनो मोनो, रेगा गैया, जेनिबो भार गुमुरा..... । मैदेर सिफायहायै, सोरांनि रोदा सोरजिनो गिनाय, नब’ खतनेस्वरनि बेसेबांबा रोजा- बै ख’नाब्रै बेरानि फाथ’कआव नों दड़ोमोन नामा ? ना आबौ भीमनि ग’दा सिबनायाव नोंबो जिउ होनो बिजों लोगोआव दंफायोमोन ? फार गैयै फैलाव बालाहामा जेथोनि सान्दुंजों दिनै खामग्लि जानानै हांखुर जादों सिदोब गाराडै सोंदोंल’ माब्ला..... ?

मिथु बसुमतारि
गामि- 1 नं **सापखायति**
ला:सो:- **बरन’गाव**
जिला- **उदालगुरि, बि.टि.सि.**

फोजाखां

गोमोरनाय अरखौ सुर्खाफिन आवलिथों लाथा खानाइ गुसु थैखौ, जेरावबो दैबथिं साग्लोबथों गुदुं थैआ गिग्लुंथों मुलुगाव बयखौबो फोजाखांथों । दागि सान्दुं अखायाव जुजि बे दावहा थिलियाव जेखि खैफोट फैया आवगाय बयबो गावनि थांखियाव खामना फोजोबझां हेंथा दुथांफोरखौ बयबो सुथि मोनथोंसे जाथोंसे जेरावबो दानझां ।

नागराज ब्रह्म कक्राझार
गामि- ***कक्राझारी टाउन ।***

नों रजेखौ लानानै

आं मिथिनो मोना रजे, आंनि गोसोआदि मानोबा नोंखौल’ सानखि हर मोननो लुबैयो नाथाय हमदां मोनाखै आं नों रजेनि गोसोखौ । मिथिनो मोनाखैमोन आं नों रजेखौ बिबायदि खालामगोन होन्नानै, नाथाय नों रजेया फोथाय ’खेबस’ होन्नाने दिनै नों आंखौ थास’ बिलाइनि दै बायदि आंखौ नेवसिगारलांबाय । दाबो दं स’ना आंहा नोंखौ फोथायनाय नाथाय नोंसो मा सानखो नों रजेखौ लानानै नखरनि आइ-आफाजों लोगोसे खौसेथि राइजो जालांनो । नाथाय रजे नोंहादि गोर्बोंआव मा साननाय दं, नोंखौ मोजां मोन्नाया आंनि थाइनै मेगन खनायाव बोहैदों मोदैया जिरि-जिरि सुखुयैनो नों रजेखौ लानानै ।

हादान बसुमतारि आमलाइगुरि
ला:सो:- काकरमारी
जिला- ***कक्राझार, बिटिसि***

रंजालिं गथ’फोरनि सौरा

गुबुन गुबुन जावजा खन्थाइ

गायामा मार्वथि जोहोलाव जा नों थांना थानाय समाव

गोमोर लांबा सिबि जानो देनां आयांमासि मोननो

साखोन सिखोन नखर संसार थानो मोजां अराय बोथोर

फालिबोला आसार खान्थि मोनो गोसोनि गोजोन्थि

जिउ रनसायनाय जायख्त्वं सिमां जिंगोर जिंगोर सिमां हामां

खन्थाइ लिरालासे थाबा गोमाना थायो सोदाबा

थारै नंगौ खन्थाइ लिरनो गोर्नाथिमार सरसायानो

-रैदोम बर’, बाक्सा

जुलिया नडा गुबुनजों

माया गोनां बे बुहुमाव जोनोम मोनफैबाय आं मानषि महरै । फुंबिलि बायदि लाइमोन बैसोआव ओंखार जेन्नाय सान गोलैं बायदि अनजिमा गैयै सानबोलावरिजों उसिफावो लाइमोन बैसोआ । जीउनि बैथा गैयै दिइयाव गाखोहां जानायावनो लोगो मोनजेनदोंमोन नोंखौ आं स’ ना । नोंखौ लानानै सिमां सुजुदोंमोन बेसेबांबा रंगिना सिमां नाथाइ..... नोंदि आंखौ गारनानै थाखोमायो सम-सम आन्दो आन्दो जेसेबांखि नों आन्दो आन्दो थादोंमोन, आं नोंखौ नुगासिनो दंमोन । आंबो नोंनि आन्दोआव थानानै सुजुदोंमोन दुखुनि खन्थाय । ईशोरा सोरजि हरदों आंनो मोनसेल’ जीउ नइब्ला लोगो मोन्दोंमोन गोबां जीउनि लोगे, नैबे जोनोमाव जुलिया नइ गुबुनजों, मानोना नोंखौ लानानै समाय लाबाय ईशोरनि खाथिआव । जायनि थाखाय राहा गैला नोंखौ बावगारनो जेसेबांखि बारहुंखा-सारअन्थाइजों हेंथा होआ----- आवगाय लांगोन जुलिनि गोथार फोरबोंआव । नोंनि आंनि जुलिआव बारहुंखा-सारअन्थाइजों आंनि जीउखौ फोजोब लांथों थेवब्लाबो..... नोंनि अनगा जुलिया नइ गुबुनजों ।

मुस्त्रि लखिकान्ट दैमारी
गामि:-**हाथिधुरा**
ला:सो:-**खुंघिं**
जिल्ला:- **चिरां, बि.टि.सि. (आसाम)**

गोमालांनाय आब'नि जिउमा

नों आब’ बहा थांखो ? आंखौ गारनानै बे बुहुमनिफ्राय बावनो हायाखै आब’ आं नोंनि आंखौ अन्नायखौ । हाया बावनो आं बै समनि जों गेलेनाय बै समायना बेसर बारियाव थाखुमा लाइनाय गेलेनायखौ । नुफा-माफा नुयो आब’ नोंनि फुइव मेथाय रोजाब-रोजाब सिदुला सिबनायखौ नाथाय नों बै गुफुर खुवाजोंनो गोमालाडे । नों जेराव दं बहायनो लांफादो आब’ आंखौबो नोंजों लोगोसे अरायनि थाखाय दुखु दोनलांबाय नों आब'नि जिउमाया आंखौ ।

नबेल ब्रह्म थावलिगुरि

गोदान आबहावा

-सनिराम बसुमतारि

हायरे ! बे मुगायाव संसारनि बोहैथि दैया मासेबां गुबुंले, थरथिंसे गोगो नागिरनानै मोननो गोब्राब; आनान ग'साइयाखि गुबुंले दैजों खुसि जागोन, बेफोर दैखौ लोंब्लाखि सुबुंनि देहाया गोखों जागोन । बेखायनो नामा बे जिउआ थोजासे आदार मोनजायै, गावनि बिगोमाजों नायस'नजायै बेगेंजों बिगुरजों जानाय लामानि सैमा फाखि !! आंखौ सोर जोनोम होयामोन आं मिथिया, आंनि आफाया मा बायदिमोन आं सिनाया; खायसेबा बुडो-आंलायनो माइबारिनि फिसाज्ला, आरो खायसे बुडो-आंलायनो मोब्लानि मोखांसे नाथाय दिनै आदि मोदाय गथ'(Basterd) । मालाय बिजय, पिंगि मोनहा बिमानि आहार मोनजानानै देरदों, मालाय बिफानि फाफ्लियाव गाखोनानै गराइ दाब्रायानो मोन्दों; थेवबोदि बिसोरनि आंथिं-आखायफ्रा मोनिया, बिसोरनि बिखाया लांदां एलबाम । गोगो दै नागिरब्लाबो मोनैयाव आं आनान ग'साइखौनो सिबिनो हाया जाबाय, देहायाबो लोरबां-थोरबां जाबाय, खुगायाव आवरायो फेथेर-फेथेर आर'ज गोसोयासो थिर नइ मानोना आनान ग'साइयाबो खेबसेखौ खोनासइ, बनि खोमायाबो सोरबा रां कुबीरजों थुलासो माथु जाबाय नामा ! नाथाय दाबो दावखायादि फुराखैं, दावब'यादि गोसोम गाब गायाखैं दैयाबोदि साहाथिं बोहैयाखैं ।

मुंख्लं

मुंख्लं जालांनांबाय नों दिनै आगोमा गुरु खास्रि बिझि मुगैथाव सुबुंनि फाव फान्दायनायाव । जिउनि गोनांथिखौ बुजिनानै सारद्लानानै होनो नाजादोंमोन नों जोंनि गेजेराव गोजों सोरां । नाथाय । आस’ खान्दा जानांबाय दिनै, नोंनि गोजों सोलोंथाय होनो नाजानाया । हरखाब बबेनिबा सिख्रा बाजोआ सेख'नानै लांबाय नोंनि आगोमा जिउखौ, आद्रा थाहोनांबाय नों गुरु नोंनि मावनो लानाय खामानिखौ । नोंनि बोसोनखौ नेवसिगारदोंमोन गोरलै गोसेनि सोलोंसाफोरा, जिउनि बेसेनखौ बुजिनो रोडैयाव । अब्लाबो नोंदि नाजायोमोन फरायसानि इयुनखौ गोजों खालामनो । जोनोम होदोंमोन नोंखौ बर’ बिमाया आलो आलोयै, गावनि अनसेमा गोर्बोंनिफ्राय सासे आगोमा फिसा महरै । नाथाय दिनै नों गावनि बिमानि अन्नायखौ नेवसिनानै मुंख्लं जालांनांबाय । बावहरनो मोनासै आं नोंनि गोथै देहायाव, जरासे गोथार बिबार, बेनिखायनो सोरजिबाय आं दिनै नोंनि मुडै दोंसे खन्थाय ।

थरायना देंखो राणी ब्रह्म
गामि- **सा-सुकानपारा**
ला:सो:- **खाग्राबारि**
जिला- **चिरां ,बिटिसि (आसाम)**

इजराइलआ हमासखौ आबुडै फोजोबस्त्रांनो थांखि लादौं

जेरुशालेम, 8 आगस्ट: इजराइलआ गाजा पट्टिनि गासै ओन्सोलनि सायाव कन्दूल खालामनायनि बिथांखि थियारि खालामदौं। इजराइलनि गाहाइ मन्थि बेन्जामिन नेतन्याहुआ बुंदौदि, हमासखौ फोजोबनो थाखाय गाजानि सायाव आबुडै कन्दूल खालामनायनि गोर्नाथि दङ। इजराइलनि बादिब्ला, बिसोर गाजानि सायाव आबुडै दखल खालामनायनि उनाव बेखौ गावसोरनि लोगो आरब फर्सनो गथायनानै होगोन। गाजायाव इजराइलनि गेजेरजौं सान्थियारि हाबाफरिखौ फुवाराया गोलै नङ। बेजौं हमासनि बेखनआव थानाय इजराइलनि जोबथेना लाखिजानायफोरनि जिउआ अलखदआव गोर्लैनो हागौ। बेराफासै हरिमायारि जौसाछव इजराइलआबो उल्थां-फाल्थां जागोन। जेरुशालेमआव जानाय इजराइल रैखाथि केबिनेटनि जथुमआव बे गासै आयदाफोरनि सायाव सावरायनाय जायो। इजराइलनि बिबानगिरिआ



फोरमायदौदि, रैखाथि केबिनेटआ गाजानि बै गासै बाहागोफोरनि सायाव दखल खालामनाय बिथांखिनि सायाव खामानि मावगोन,

पेरिस, 8 आगस्ट: खोला फ्रान्सनि हाग्राबारियाव गिख्रंथाव महरै अर खामदौं। बे अर खामनायखौ थांनाय जि बोसोरनि गेजेराव बयनिखुइ गिख्रंथावसिन अर खामनाय जाथाय होन्नानै बुंनाय जादौं। बे अरखौ सामलायनो थाखाय सा 2,000 अर लुखोमोरगा मावसुमाफोर थिसन्नाय

जादौं। अरा बेसेबा गुवार ओन्सोलखौ खामनानै फार्सेनिफ्राय फोजोबस्त्रांनो लादौं। अरखामनायजौं सासे सुबुंनि जिउ गोमायो। हाग्रायाव खामनाय बे अरखौ सामलायनो ओहो-रोहो बिबानगिरिफोरि फोरमायोदि, बिंदु दुंनाय बे बोथोरव हाग्राआव नांनाय बे

त्रिपुरायाव 1.35 कौटि रांनि 90,000 याबा टेबलेटजौं लोगोसे सासे सुबुंखौ बेंखनाव लादौं

आगस्टला, 8 आगस्ट: सोनाब त्रिपुरा जिल्ला पुलिसआ 7 आगस्टखालि मोनानि समाव आगरतला सहरनि बायजो ओन्सोलाव अमतालि बाइपासनि खाथियाव गंसे अट' रिक्शानिफ्राय 1.35 कौटि रांनि 90,000 याबा टेबलेट जब्द' खालामदौं। खौरंगिरिफोरजौं बाथ्रा सावरायनानै सोनाब त्रिपुरानि पुलिस सामलायगिरि नमित पाठकआ बुडोदि, जौं अमतालि बाइपास ओन्सोलाव आइन बेरेखा हाबाफारिफोरनि सोमोन्दै मोनसे संगलि खौरां



मोन्दौंमोन।बिथाङ फोरमायोदि, लामा सेरनि गंसे ढाबानि होबथादौं आरो सुबिर सुत्रधर अपारिसननि समाव पुलिसआ खाथियाव गंसे अट' रिक्शाखौ मुनि सासे सुबुंखौ बेंखनाव

लादौं। गरिखौ सिप्रोमनायाव होबथा जानाय टेबलेटफोरजौं बुफबनाय मोन 9 डिब्बाफोर बोखानो हादौं। मिबथि होनाय जादौंदि, अट'आ खेरपुरनिफ्राय अमतालि ओन्सोल फारसे थांगासिनो दंमोन। बे समावनो बेखौ होबथानाय जादौंमोन। दायनिगिरिखौ ग्रेप्टार खालामनायजौं लोगोसे बेसादखौबो जब्द' खालामो। पुलिसआ स्मग्लिं खालामनो नाजानायनि नेटवार्कखौ मिबथिनो थाखाय नायबिजिरनायखौ जागायबाय।

फ्रान्सनि हाग्राबारियाव गिख्रंथाव महरै अर खामदौं



अरा फ्रान्सनि बयनिखुइबो गिदिरसिन हाग्रायाव खामदौं। सुलुंनि बादिब्ला, बे अरा थांनाय बृहस्पतिबारखालि एसे लासै जायो। हाग्रायाव गोसारनाय बे अरखौ सामलायनो थाखाय लांन्थ्रयै नाजागासिनो दङ। थांनाय मंगलबारखालि खामजेन्नाय बे अरखौ 2,100 निखुइ बांसिन

अर लुखोमोरगा आरो माखासे दै सारगा उरां जाहाजफोर थिसन्नानैबो दासिम सामलायनो हायाखै। हरनि समाव गुसु बिंदु आरो खोलो खोलो बारा थासासिखौ सुग्लायनायाव एसे मदद खालामदौं। बेनि उनाव बारआ गोखौं जाफिनो। नाथाय अर लुखोमोरगाफोरा बे अरखौ लुखोमोरनो हागोन होन्ना मिजिथिदौं।

No.GDB-269/FC-Cell/6th ASFC)/NIT/2023-24/442

Dated Gossaigaon the 29th July/2025

NOTICE INVITING TENDER

Sealed Tender are invited in F-2 Form for the works shown below from the intending Registered Contractor of Class-I and Class-II (A, B & C) category of Assam PWD (Roads & Building) with affixing Non-refundable court fee of Rs.8.25 (Rupees Eight and paise twenty five) only in a prescribed Form 6thFC(ASFC) (Grand No. 66) under Devolution Grant (2nd Installment) for the year 2023-24 during 2024-25 The Tender will be received on **20-08-2025** upto 1:00 PM in the Office of the undersigned and will be opened on same day at 1:30 PM in the Office of the undersigned and C.S. will be submitted to the Director, P&RD, BTC, Kokrajhar for approval.

Sl. No.	Name of work	Estimated amount	Bid Security	Cost of BID documents (D/D) @ 0.03% (Approx.)	Time of completion
1	Imp. of road E/F & S/G road from Shiv Mandir to Garo house	Rs. 15,00,000/-	Rs.15,000/- @ 1% for ST/SC/OBC & Rs.30,000/- @ 2% for General	Rs.450/-	6 (six) Months from the date of issue of work order

The Terms and Condition details may be seen at Notice Board in the Office of the Block Development Officer, Gossaigaon Development Block from **29-07-2025 to 20-08-2025** upto 1:00 PM.

Sd/-
Block Development Officer,
Gossaigaon Dev. Block, Gossaigaon

IPR(BTC)/C/2025-26/2489

No.SCDB/MPLAD/575/2025-26/

Dated Sidli the 08th August, 2025

NOTICE INVITING TENDER

Sealed Tender are invited in F-2 Form for the works shown below from the intending Registered Contractor of Class-I and Class-II (A, B & C) categories of Assam PWD (Roads & Building)/PHED with affixing Non-refundable court fee of Rs.8.25 (Rupees Eight and twenty-five paise) only in a prescribed form for 1 (One) No of construction work under MPLADS fund for the year 2024-25. The Tender will be received on 30/08/2025 up to 2.00 P.M. in the office of the undersigned and will be opened on same day at 2.30 P.M. in the office of the undersigned.

Sl. No.	Name of Work	Estimated Amount	Bid Security	Cost of BID document (D/D) @ 0.03% (Aprox)
1	Construction of RCC Box culvert at Khutaibari village under Sidli Dev. Block	Rs. 5,00,000.00	1% on Estimate amount for ST/SC/OBC & 2% for General	Rs.150/-
2	Construction of RCC Box culvert at Thaisoguri village under Sidli Dev. Block	Rs. 5,00,000.00	1% on Estimate amount for ST/SC/OBC & 2% for General	Rs.150/-

The details may be seen at Notice Board in the Office of the Block Development Officer, Sidli-Chirang Development Block from 08/08/2025 to 30/08/2025 up to 2.00 P.M.

Sd/-
Block Development Officer,
Sidli-Chirang Dev. Block, Sidli

IPR(BTC)/C/2025-26/2484

No.CHRD/MPLADS/632/2025

Date 07/08/2025

PRESS NOTICE
SHORT NOTICE INVITING BIDS

The Project Director, DRDA, Chirang, Kajalgaon invites sealed Bids affixing non-refundable court fees stamp of Rs. 8.25 (Rupees eight & paise twenty five only) from the eligible contractors registered with Public Works Department (Roads/Buildings), Assam or BTC in the category of Class-I (A, B & C), Class-II & Class-III with up-to-date valid registration for the following 09 (Nine) nos. of works under MPLADS fund as per details mentioned below: -

Package No.	Work Description	A.A. Amount (In Rs.)	Bid Value (In Rs.)	Bid Security 2% of Bid value for General category & 1% of Bid value for Reserved category	Bid Processing Fee incl. of GST (Rs.)	Completion Period	Source of Fund
29	Construction of Boundary wall at Pachim Silpota Anganwadi Centre, Silpota under Kajalgaon VCDC	10,00,000.00	10,00,000.00	Rs. 20,000.00 for General Category and Rs. 10,000.00 for Reserved Category	500.00	90 Days	MPLADS (RS) FY 2024-25
30	Construction of RCC box culvert near Nayapara village playground under Dangati VCDC	5,00,000.00	5,00,000.00	Rs. 10,000.00 for General Category and Rs. 5,000.00 for Reserved Category	500.00	90 Days	MPLADS (RS) FY 2024-25
31	Construction of Box Culvert at Kukurmari near Nopori Ray House under sidli Dev. Block.	5,00,000.00	5,00,000.00	Rs. 10,000.00 for General Category and Rs. 5,000.00 for Reserved Category	500.00	90 Days	MPLADS (RS) FY 2024-25
32	Construction of Community toilet at Swmidn Nwgrw (No.1 Chapaguri) under Sidli Dev. Block.	7,00,000.00	7,00,000.00	Rs. 14,000.00 for General Category and Rs. 7,000.00 for Reserved Category	500.00	90 Days	MPLADS (RS) FY 2024-25
33	Construction of road at Bandvguri village road under Rowmari VCDC.	5,00,000.00	5,00,000.00	Rs. 10,000.00 for General Category and Rs. 5,000.00 for Reserved Category	500.00	90 Days	MPLADS (RS) FY 2024-25
34	Construction of road from Bangaldaba PWD road to Dodraguri village road under Bangaldaba VCDC.	5,00,000.00	5,00,000.00	Rs. 10,000.00 for General Category and Rs. 5,000.00 for Reserved Category	500.00	90 Days	MPLADS (RS) FY 2024-25
35	Construction of Nilibari Gully control project at Nilibari paddy field under Bangaldaba VCDC.	20,00,000.00	20,00,000.00	Rs. 40,000.00 for General Category and Rs. 20,000.00 for Reserved Category	500.00	90 Days	MPLADS (RS) FY 2024-25
CHRD-10	Improvement of road at Palasguri village under Rowmari VCDC	10,00,000.00	10,00,000.00	Rs. 20,000.00 for General Category and Rs. 10,000.00 for Reserved Category	500.00	90 Days	MPLADS (LS) FY 2025-26
CHRD-11	Construction of box culvert at Baotipara under Borobazar Dev. Block	5,00,000.00	5,00,000.00	Rs. 10,000.00 for General Category and Rs. 5,000.00 for Reserved Category	500.00	90 Days	MPLADS (LS) FY 2025-26

1. Details of Bid may be seen at the office of the undersigned during office hours.
2. Amendment/Addendum to the SBD, if any, and further notifications shall be seen at the office of the undersigned during office hours.

Sd/- Project Director
DRDA, Chirang, Kajalgaon

IPR(BTC)/C/2025-26/2480

अरांनि लाइमोन फालांगिरि उत्पल शर्माआ जोबथा हां बोबाय

उदालगुरि, 8 आगस्ट: उदालगुरि जिल्ला अरां 1 नं शइकीया सुबुरी गामिनि फालांगिरि उत्पल शर्माआ मैया बृहस्पतिबारखालि गावनि न'आवनो बेलासिनि 4:40 रिगाआव जोबथा हां बोयो। 43 बोसोर बैसोनि शर्माआ के न्सार बेरामजौं सन्देर जानानै दंमोन। मैया उत्पल शर्माआ जोबथा हां बोनायाव लो गो , अन्सायारिफोरजौं लोगोसे आंगोनि नख'रआरिफोरा दुखु मोनहोदौं। बिथानि रंसारि जानायाव दिनै अरां फालांगियारि आफादआ फुंनि 5:00 रिगानिफ्राय 10:00 रिगासिम फालांगियारि फसंथानफोरखौ बन्द' लाखिदौं। उत्पल शर्माआ रंसारि जानाय समाव बिसि आरो सासे 4 बोसोरनि गथ'साखौ नागरलांदौ। बिथानि रंसारि जानायाव गोसो गोर्बोनिफ्राय नख'रनिसिम अरां फालांगियारि आफाद, अरां खौरंगियारि आफाद, अरां आन्सलिक जौगाखां आफादआ दुखु फोरमायहरदौं। अरांनि लाइमोन जाखुंफुनाय उत्पल शर्माआ।



(1 बिलाइनिफ्राय)

मिसन बसुन्दरा 3.0 नि गेजेरजौं गासै गं 34 रोजा फरायसालि, फरायसालिमा, नामघर सरकारि फसंथानफोरा हा मोनगोन: केबिनेट

बिथिङव 850 कौटि रां थिसन्थाइ होनायनि थांखिखौ गनायथि होयो। एडभान्टेज आसाम 2.0 आव सागान खालामजानाय मोनब्रै गोरोबथायाव दिनै केबिनेटआ गनायथि होबाय आरो बेनि जागोनाव बे गोरोबथाफोरा आबुं महर मोनबाय। दिनैनि केबिनेटआ 1843 कौटि रांनि थिसन्थाइनि थांखियाव गनायथि होबाय। भेलि सिट्टंआ सिमेन्ट लिमिटेडआ 480 कौटि रां, स्टार सिमेन्ट नर्थ इस्ट लिमिटेडआ 650 कौटि, मेक्सिम' इनप्रास्ट्रकसार एण्ड रियल इस्टेट प्राइभेट लिमिटेडआ 130 कौटि रां आरो बरुन बेभारेस लिमिटेडआ 583 कौटि रां थिसन्थाइ खालामगोन। मिसन बसुन्दरा 3.0 आव नामघर, सरकारि मावख' आरो एनजिअफोरनो हा होनायनि जैरेबायदि राहा खालामदौंमोन दिनै बै राहाया आबुं महर मोननो हाबाय। दिनैनि केबिनेटआ गासै 36 रोजा बेबायदि थांखियाव गनायथि होबाय। बेनि जाहोनाव 36 रोजा फरायसालि, फरायसालिमा, नामघर, सरकारि फसंथानफोरा मिसन बसुन्दरानि गेजेरजौं हा मोननो हासिगोन। दिनैनि केबिनेटआ बिटिआर खुंथाइआ बिटिआर ओन्सोलआव थानाय जौगाखां खोन्दोफोरखौ फिन दाफामफिन्नायनि थाखाय जैरेबायदि थांखि गथायदौंमोन बे थांखिखौ गनायथि होबाय। बेनि जाहोनाव बिटिआर ओन्सोलआव मोन 22 निफ्राय मोन 23 जौगाखां खोन्दो मोननो हानाय जाबाय। बाक्सा जिल्लानि गबर्धनायाव मोनसे गोदान जौगाखां खोन्दोनि मावख' लुफुंनायनि थांखि लानाय जायो। आसाम परेस्ट प्रटेक्सन पर्स आरो प्रन्टलाइन परेस्ट स्टाफखौ रेशननि थाखाय दानफ्रोमबो दैथायहरनाय 2 रोजा रांनिफ्राय आसाम पुलिसजौं समान समान खालामनानै 2,500 रांसिम बांहोनाय जायो। 2025 माइथायखौ बिजाबनि माइथाय महरै फालिनायनि थाखाय आसाम सरकारआ आजावनाय थांखि बायदियै दिनैनि केबिनेटआ गोबां थांखिफोरखौनो गनायथि होयो। बेफोर जाबाय- 1 रोजा लाइमोन लिस्गिरिफोरनो गोसो थुलुंगाखानांयनि थाखाय 25 रोजा रांनि एक्कालिन राङारि अन्सुंथाइ होनाय जागोन। आसाम फोसावथाइ आफादआ लाइमोन लिस्गिरिफोरनि फारिलाइखौ सायख'गोन। बिजाब मेला खुंफुंगा मोनफ्रोमबो जिल्लानो 5 लाख राडै आरो दालाइसा जिल्लायाव बिजाब मेला बान्जायोब्ला 2.5 लाख राडै अन्सुंथाइ होनायनि फोसावथाइ होनाय जायो। फैगौ 16 आगष्टनिफ्राय राइज्यो सरकारआ मोनफ्रोमबो सरकारि फसंथानआव आलासिफोरनो फालि गामसाजौं लोगोसे गांस बिजाबबो बान्था होनायनि थांखि आजावनाय जायो। राइज्यो सरकारनि मावफारियाफोरनो नधेम्बर दाननि दान बान्थायाव बिजाब बायनायनि थाखाय 1 रोजा राडै उप्रायै गथायनाय जागोन। बिजाबनि माइथाय फोरबोजौं लोब्बा लाखिनानै ७ भुपेन हाज'रिकानि मुडव राइज्यो सरकारआ फोसावनाय गांस बिजाबखौ 1 जानुवारिआव मोननो हानाय बायदियै आसामनि 12 लाख नख'रफोरनो रान्नाहै हरनायनि थांखि लानाय जायो। माजुलि, डिपु, कलियाबर, सिलसर, आमिनगाव आरो बङाइगावआव लुफुंजाबाय थानाय मोन 6 बिगियान मिस्नि थाखाय नांगौ जानाय उप्रा 178 कौटि रांखौ दिनैनि केबिनेटआ गनायथि होयो।

भैरबखुन्द बियाबनि खावरां प्राइमारियाव बिपिएफ बुट समितिनि मावबादा खुंफुंदौं

भैरबखुन्द बियाबनि राइजो-राजाफोरा गोबां हेफाजाब होनानै दैमारिखौ देरहासार खालामनो जान्जि खाफ्रादौं। 7 आगष्टआव बेलासिनि 4:00 रिगानिफ्राय खावरां सकआव थानाय धनसि दै रान्सार बान्दो, जाम्फै, मुलाम्फागिरि गौथुमनि लागोनायाव बिपिएफ खावरां प्राइमारि गौथुमनि हाखायनायाव खुंफुनाय बुट समितिनि मावबादायाल भैरबखुन्द बिपिएफनि फोसावजानाय बिजाथि रहिन दैमारिआ नुजाथिनानै बुट समितिनि मावफारियाफोरखौ दोलोनि सामलायथाइ, राइजो-राजाफोरजौं सोमोन्दो लाखिनाय, बुट समिति सामलायनाय, राइजो-राजाफोरनि बोसोन, प्राइमारिनि सिङव थानाय राइजो-राजाफोरनि जेनाजौं लोगोसे गुबुन-गुबुन आयदायाव बुट समितिनि आफादगिरि नेहाथारिजौं लोगोसे मावसुमाफोरखौ फोरेंथाइ होनाय जायो। मख'बो गोर्नादि, बुट समितिनि मावबादा खुंफुंनाय जादौंमोनब्लाबो गावसोरनो गोसो जानानै गोबां राइजो-राजाफोरनो बे मावबादायाव बाहागो लाफैयो। खावरां प्राइमारिआ बान्जायनाय बे बुट समितिनि मावबादायाव भैरबखुन्द ब्लक बिपिएफनि आफादगिरि सनेस्वर औवारि, बारग' एमसिएलए रिपेन दैमारिजौं लोगोसे दोलोनि गोबां मावसुमाफोरनो बाहागो लायो। बे मावबादायाव गुबुन-गुबुन दोलोनि सा 35 सुबुंफोरा बिपिएफ दोलोआव हाबो।

माहाम देहानि राहा

दैखौ गोनांथिनिखुइ बांसिन लोडोब्ला देहायाव माखासे जेंना सोमजिनो हागौ!

जों उन्दै समनफ़्राय लानानै दिनैसिमाव जेसेबां बांसिनै दै लोडो एसेबांनो देहाया मोजाइ थायो होन्ना खोनाबोदों, नाथाय गोनांथि जानायनिखुइ बांसिन दै लौनाया जौनि थाखाय जेना गोनां फोरमानबो जानो हागौ। दै लौनाया साफ़्रोमबोनि थाखाय जरखा, नाथाय थोजासेनि बांसिन दै लोडोब्ला नौथांनियाव अवार हाइड्रेसननि जेंना जानो हागौ, बेखौ वाटर इन्टक्सिकेशनबो बुंनाय जायो।

(1) कि डनीनि ख'हा : अवारहाइड्रेसननि जाहोनाव जौनि किडनीआबो ख'हा जायो। जेब्ला जों गोबां दै लोडो अब्ला आर्जिनिन भेस'प्रेसिननि प्लाज्मा स्तरआ बाइइ जायो। जायनि थोंजोडै गोहोमा किडनीनि खामानि मावग्रा गोहोआव गोग्लैयो। बेबायदियाव गोबां दै लौनायनिफ़्राय जानगाराव थानाया गोनांथार।

(2) लिभारनि ख'हा : गोबां नायबिजिरनाय जाखांबाय जेराव मोन्नाय जादोंदि, सरसन्स्ता दैन अनगायै जेब्ला नौथाइ आयरन थाफानाय दैखौ गोबां लोडो अब्ला अवारहाइड्रेसननि थासारिनि थाखाय दायनिगिरि जायो। जायनि जाहोनाव लिभारजों सोमोन्दो गोनां जेंनाया जायो। बेनिखायनो जों गोनांथि जानायनिफ़्राय बांसिन दै लेंनायनिफ़्राय जानगाराव थानागौ।

(3) बिखानि जेंना : जुदि नौथाइ गोबां बिबाइव दै लोडोब्ला हाट फेलियारनि मैहुरबो जानो हागौ। मख'नो गोनांदि, जेब्ला नौथाइ दै लोडो अब्ला बेजों देहायाव थैन बिबाइ बाडो, जाय थोंजोडै बिखानि थै हमनिफोराव गोहोम



गोग्लैहैयो। बांसिन नारसिनथायहैनायनि जाहोनाव बिखानि थैन जेंनाया बाडो बेनिखायनो जों नांनायनिफ़्राय बांसिन दै लौनाया मोजां नइ।

(4) सेल्सआव बुखांनयनि जेंना : जेब्ला नौथाइ गोनांथि जानायनिफ़्राय बांसिन दै लोडो अब्ला बेनि जाहोनाव सडियामनि लेभेलआ बाइइ जायो। जायनि उनाव दैआ हाबाफारि बायदियै सेल्स (जिबखि) आव हाबहैयो। बेनि जाहोनाव सेल्सआव बुखांनयनि जेंनाया सोमजियो। बे थासारिया गोबां गोब्राब जेंनाखौ सोमजिहोने हायो। बेनिखायनो जों दैखौ नांनायनिफ़्राय बांसिन लौनाइ।

(बेखौ बाहायनायनि सिगां डाक्टरनियाव सुबुरुन ला)।□

‘जाने तु या जाने ना’ सावथुनाव इमरान खान आरो जेनेलिया डिसुजाआ गाहाइ भाव लादोंमोन

जेब्ला मर्डन लोगो आरो मोजां मोन्नाय सल'फोरखौ सावरायनाय जायो, अब्ला बयनिखुइ सिगां ‘जाने तु या जाने ना’ सावथुना खुगायाव फैयो। बेयो बै सावथुनानो, जायनि मेथाइ ‘पप्पु कान्ट डान्स साला’ या साफ़्रोमबोनि खुगायाव दंमोन। बे सावथुननि सल’आ सुबुंफोरखौ गोबां एन्टारटेन खालामदों आरो बै समनि लाइमोनफोरा बे सावथुनजों जोबोद रिलेट खालामनो हादों। सावथुनाव इमरान खान आरो जेनेलिया डिसुजाआ गाहाइ फावआव खालामदों। बिसोर सानैबो मोजां मोनलायोमोन,

जन अब्राहमनि ‘तेहरान’ सावथुननि प्रिमियारआ 2025 नि उदांस्त्रि सानाव जागोन



जि 5 आ नायगिरिफोरनि थाखाय मेडक फिल्मसनि ‘तेहरान’ खौ लानानै फैदों। बेयो जन अब्राहम, मानुषि छिल्लर, निरु बाजवा आरो माधुरिमा तुलि बिफाव होनाय मोनसे राजखान्थि जासुसि थ्रिलार। बे सावथुना सैथो जाथायनि सायाव बिथा खालामनाय। इजराइल आरो इराननि गेजेराव मुलुगनां जेंना बांनायनि सायाव बिथा खालामनाय। अरुण गपालनि दिहुन्नाय ‘तेहरान’ सावथुना हारिमायारि जासुसिनि मोनसे औरैबादि मुलुगाव लानानै थाडो, जेराव सासे सुबुनि थार फैथाय जाथाव आरो फोथाय खेबस'नि गेजेराव गोजोनखौ लाबोनो हायो। जेरै- ट्रेलारआव नुनो हागौ, सल'आ 2012 आव दिल्लीयाव इजराइलनि राजथान्दैनि खाथियाव बम बेरफ़ूनायनि सायाव बिथा खालामनाय, जाय मोनसे मोखथां महराव जानाय जाथायमोन। निरु बाजवा, मानुषि छिल्लर आरो मधुरिमा तुलनि फाव खालामनाय ‘तेहरान’ आ मोनसे मुलुगनां थ्रिलारनिखुइ बांसिन। बेयो मोनसे गोसो बिगियानारि आरो राजखान्थि लैनमाइन। सावथुना खालि जासुसि अपारेसनखौल’ बिजिरा, बेयो हारिमायारि राजखान्थि, थगायनाय आरो सोलोखान्थिफोरखौ बिजिरो। उदांस्त्रि सानाव नायगिरिफोरनि थाखाय ‘तेहरान’ सावथुनखौ दिन्थिफुंनो हानाया गोग्गानाय लाबोदों।□

ऋषभ शेड्टिनि कान्तारा चेप्टार 1 सावथुननि थाखाय फावखुंग्रि मोनबाय

ऋषभ शेड्टिनि माच अवेटेड सावथुन कान्तारा चेप्टार 1 खौ लानानै गोबाव समनफ़्राय सावरायनाया सोलिगासिनो दं। ऋषभआ गोबाव समनफ़्रायनो सावथुननि सुटिंखौ खालामगासिनो दं। आथिखालाव गमामायैनो फावखुंग्रि, खपै नायबिजिरनायाबो आबुं



नाथाय बे मोजां मोन्नायखौ बिथाइ गुरुन सासेजों सोमोन्दोआव थानायनि उनावसो मोन्दांथिदों। लोगोसे जागायनाय बे मोजां मोन्नायनि सल'आव

मोनसे गिदिर टुइस्त लानानै फैनाय फावआ मेघनानिमोन। मेघनानि एन्ट्रि जानायजों सल'आ सोलायदोंमोन आरो इमरान खानआ बे समाइन हायनारिनि जावलिया

जादोंमोन। गावनि लोगोखौ बावगारानैबियो ग्लेमासं नुनाय हौवानि फारसे आगान सुरलांदोंमोन। बे बिफावखौ मन्जरि फडनिसआ दिन्थिदोंमोन। जाने तु या जाने

देखोगिरि आशा भसलेआ गावनि माखासे मेथाइफोरखौ रेडिअनिफ़्राय बेन खालामनायखौ दुखुजों गोसो खांदों

आशा भसलेआ बलिउडनि माखासे सुपारहित मेथाइफोराव गावनि गारां होदों। बिथाइ बल्डनिफ़्राय लानानै रमान्टिक आरो सेन्शुएल मोनफ़्रोम रोखोमनि मेथाइखौ रोजाबदों। पिया तु अब तो आजा, दम मारो दम आरो ये रेशमी जुल्फों का अम्भरा बेफोरो बिथानि साबसिन मेथाइफोरनि गेजेराव मोनसे। नाथाय मिबथिगौना देखोगिरिनि माखासे मेथाइफोरखौ लानानै कन्ट्रभासिंबो जादोंमोन। बावैसो सिगां देखोगिरिया बै समखौ गोसो खांदों, जेब्ला बिथानि माखासे मेथाइफोरखौ रेडिअनिफ़्राय बेन खालामदोंमोन। रिपार्लिक भारतजों लोगोसे बाश्चा सावरायनायाव आशा भसलेआ फोरमायदोंदि, सानसेखालि बिथाइ आरडि बर्मननि सायाव खुद्रिनाय दिन्थिदोंमोन, मानोना बिथाइ जेब्लाइबो गावनो बल्ड मेथाइफोरखौल’ रोजाबनो होयोमोन। अदेबानि गासै गुरै



मेथाइफोरखौ गावनि बिब’आरो मुंदांखा देखोगिरि लता मंगेशकारनो होनाय जायोमोन। आशा भसलेनि जुलिया आरडि बर्मनजों जादोंमोन। ‘पिया तु अब तो आजा’ बायदिनो आशा भसलेनि मोनसेबाव हित मेथाइ देब आनन्दनि सावथुन ‘हेरे रमा हेरे कृष्ण नि दम मारो दम’ मेथाइयाबो जेंनायाव गोग्लैदोंमोन। बबेखानि सावथुननि थांखिया सिप्रेट सोबनाय आरो हिप्पी हारिसुआरिखौ सावरायनायमोन, नाथाय माखासे सुबुंफोरा सान्दोंदि, बे मेथाइया बेखौ रलेमराइज खालामदों।

बेनिखायनो अल इन्डिया रेडिअआ बे मेथाइनि सायाव होबथादों आरो दुरदर्शनआ सावथुननि टेलिभिजनआव दिन्थिनायनि समाव बेखौ बोखांदों। आशाआ मिबथि होयोदि, पन्चम दाहा फोथायनाय दंमोनदि, 1971 नि कारवां सावथुननि मेथाइ ‘पिया तु अब तो आजा’ आ थारैनो हित जागोन। आशा भसलेआ मिबथि होयोदि, मजरुह सुल्तानपुरिआ सानसेखालि स्टुडियखौ नागरानै थांदोंमोन, मानोना बिथाइ गावनि लिरनाय माखासे रिसारफोरखौ लाजिनाय मोन्दांथिदोंमोन।□

ऋतिक रशनआ 45 बोसोर सिगांनो गावनि बिबौनि बानायनाय सावथुनजों डेब्यु खालामदोंमोन



बलिउडनि सुपारस्टार ऋतिक रशनआ गावनि फैनो गोनां सावथुन ‘वार 2’ खौ लानानै जोबोद खौराइव थादों। बे एक्सन सावथुनखौ बिथानि अन्सायगिरिफोरबो गोसो गुडुडै नेनानै दइ। माखासे समनि गेजेरावनो ‘वार 2’ सावथुना सिनेमाहलफोराव नुजाथिगोन। बेनि सिगां ऋतिक रसनआ गावनि 25 बोसोरनि केरियारआव गोबां मोजां सावथुनफोर होखांबाय। बिथाइ 25 बोसोरनि केरियारआव मोजां खामानि मावदों आरो गिदिर मुं आरजिदों। ऋतिकआ गाहाइ फावखुंग्रि महरै 2000 नि सावथुन ‘कहो ना प्यार है’ प्रकाशआ सावथुन

निफ़्राय डेब्यु खालामदोंमोन। बे सावथुना 25 बोसोर सिगां रिलिज जादोंमोन। नाथाय फावखुंग्रिनि बलिउडआव डेब्यु खालामनाया 45 बोसोर सिगांनो खालामदोंमोन। गाहाइ फावखुंग्रि महरै खामानि मावनायनि सिगां ऋतिकआ गावनि सावथुन केरियारखो उन्दै आर्टिस्ट महरै जागायजेन्दोंमोन। ऋतिक आ जागायजेन्नायनिफ़्रायनो न’आव सावथुन बायदि थासारि मोन्दोंमोन। बिथानि बिबौ रशन लाल नागरथआ बलिउडनि मिउजिसियानमोन। बबेखानि बिथानि बिबौआ जे अम प्रकाशआ सावथुन

बिथोनगिरिमोन। अदेबानि ऋतिकनि बिफा रकेश रशनआ फावखुंग्रि आरो बिथोनगिरिबो। ऋतिकआ 6 बोसोर बैसोआवनो गिबि खेब केमेराजों मोगा-मोगि जादोंमोन। 1974 आव जोनोम मोन्नाय ऋतिकआ गिबि खेब 1980 नि आशा शावथुनाव खामानि मावदोंमोन। बे सावथुनखौ बिथानि बिबौआनो बानायदोंमोन। ऋतिकनि ‘वार 2’ सावथुना 14 आगस्टआव सिनेमाहलफोराव नुजाथिगोन। 400 कौटि रॉनि बे सावथुनाव बिथानि अपजिटआव कियारा आडवाणिखौ गाहाइ फावआव नुनो मोनगोन।□

राज कापुरनि मेरा नाम जकार सावथुनखौ बानायनायाव 6 बोसोर सम नांदोंमोन

राज कापुरखौ औरैनो हिन्दी सावथुननि स्व’मेन बुंनाय जाया। जेब्ला बिथाइ केमेरानि सिगाइव एक्टिं खालामोमोन अब्ला बिथाइ गावनि फावआव गोदो लाडोमोन। जेब्ला बिथाइ बिथोनगिरिनि सियारआव जिरायना थायोमोन अब्ला बिथाइ मोनसेबो मोजां सट मोनामोन। बिथाइ गावबो सेटनिफ़्राय थाडामोन आरो फावखुंग्रिखौबो पेक आप जाहोयामोन। गावनि अडियन्सनो गोबां सावथुनफोर आरो मेथाइ होनाय राज



कापुरनि आथिखालाव बयनिखुइ गोसोआव थाथावसिन सावथुनानो जादों

‘मेरा नाम जकार’। आथिखालाव भारतीय सावथुननि क्लासिक कल्ट

सावथुनफोरनि गेजेराव मोनसे जानाय मेरा नाम जकारआ 1970 नि देरसिन फ्लप जानाय

सावथुनमोन। बे सावथुनखौ बानायनायाव 6 बोसोर सम नांदोंमोन। बेयो राज कापुरनि ड्रिम प्रजेक्टमोन। मेरा नाम जकारआ मोनसे रमान्टिक ड्रामा सावथुनमोन। जायनि सल'निफ़्राय लानानै दिहुन्नायसिमनि खामानिखौ राज कापुरआ आरके बेनारआव बानायदोंमोन। बिथाइ सावथुनाव राजुनि बिफाव होदोंमोन। ऋषि कापुरआ राज कापुरनि उन्दैन बिफाव होदोंमोन। बेनि अनगायै बे सावथुनाव मनज कुमार, धर्मेन्द्र, पद्मिनी, सिमी ग्रवाल,

केसेनिया रयाबिनकिना, दारा सिंह, अम प्रकाश, राजेन्द्र नात, अचला सचदेब बायदि फावगिरिफोरा नुजाथिदोंमोन। रिपर्टनि बायदिब्ला, मेरा नाम जकारखौ बानायनायाव 6 बोसोर सम नांदों, मानोना सावथुननि स्टारकास्टआ जोबोद गिदिरमोन आरो बयनिबो समखौ गोरोबहोनांगौआ हाथावना नइामोन। बै समाव मनज कुमारनिफ़्राय लानानै धर्मेन्द्रसिम मोनसे गिदिर मुं आरो सिनायथि जाखाबायमोन।□

जाबाय। फावखुंग्रि रुक्मिणि बसन्तआ बे टिमआव बाहागो लाबाय। वरमालक्षिम बायदि शुभ फोर्बोंआव हम्बले फिल्मसआ रुक्मिणि बसन्तनि फाव ‘कनकवति’ नि गिबि नुथायखौ रिलिज खालामनानै नायगिरिफोरनो जर'खा अन्थोब होदों। बे खाबुआ सावथुन मुलुगाव मोनसे गोदान रमान्व बुंफबहोदों, जर'खायै बै नायगिरिफोरनि थाखाय जाय बे सिनेमाइ इडनिभासंजों गोथैयै सोमोन्दोआव थादों। पस्टारआव रुक्मिणिआ गोथां आरो गोजा गावनि सारिजों लोगोसे लेरदो ड्रेस गान्दों। बिथाइ मोनसे मेहेलनि सिडाव गसंनानै मिनिदों। रुक्मिणिआ कनकवतिनि बिफाव दिन्थिगोन। पस्टारखौ

सावथुना हादतनाडैनो नायगिरिफोर आरो रिबिउयारफोरनि गोसोखौ देरहानो हादोंमोन। बेनि सिगां ऋषभ शेड्टिनि गिबि नुथाया गावनि जोनोम सानाव सोराइव फैदोंमोन, जाय समाजआरि बिजोडाव दोहौ सोमजि होदोंमोन। कान्तारा चेप्टार 1 सावथुना गान्धी जयन्ति सान 2 अक्टबर 2025 आव मुलुगनाडैनो रिलिज जागोन। बे सावथुनखौ कन्नड़, तेलुगु, हिन्दी, तामिल, मालायालम, बंगाली आरो इराजी रावआव रिलिज खालामनाय जागोन।□

